



“I te cherdì con to ennom” dij le Signur.

La ploania d’La Pli tol sò con ligreza te sòa comunité **Annalena Rigo** (Matlogn) y ti fej les miús aodanzas ai geniturs Marcus y Melanie: Idio, la Oma dal Ci y les Santes Patronones acompagneii Osta mōta con sòa benedisciun y proteziun.

- **Ora da Curt:** sce zacai á ligreza y enteres da arjigné ca y dí dant l’ora da Curt éσαι der bel peries da se lascé adentene pa Franz da Matlogn.
- **Aodanzas - enformaziun:** al ven endò n iade recordé ch’i metun sòn plata de ploania les aodanzas por chi co compless i **75 agn** y spo dūc **dai 80 agn ensö**. I ennom y les dates tolunse fora dal liber dal Bato (i jun vignann a scrí fora chi co compless i 75 agn). Porchel nes falei chi/cheres co é nasciūs/des foradecá y co vir sen a La Pli. I enviun porchel cōstes porsones o sū familiars da se lascé adentene por ch’i podunse les tó ete te nostes listes. I periun endò der bel da s’al dí sc’i ciafeis fai o mancianzes y ince da s’al lascé alessei sce zacai n’ò nia, por sòa privacy, che so compliann vegni publiché.

1 enformaziuns y termins

Laborfonds: paiese ete vigne mens por la ponsiun d’injunta Laborfonds? O penseise sora da se scrí ete y oreis enformaziuns plü monüdes? Eise domandes sora i Laborfonds? Les colaboradesses dai Laborfonds respogn a Ostes domandes en lõnesc, ai 14 de ma te Ciasa de Palsa a San Martin. S’anunzié por fá fora en termin individual pón dal lõnesc al vendres dales 8:00 ales 12:00, ☎ 0474 524794.

Referat: en vendres ai 18 de ma él ales 15:00 tl’entrada dla Ciasa de Palsa a San Martin n referat dal dotur Massimo Bernardo da Balsan sòn l’argomont: “La gestione del dolore e le cure palliative”. Dūc é bel enviés a cōsc referat der de üt!

Biblioteca: la biblioteca “Angelo Trebo” envieia der bel ala encuntada dai “Amisc dla letōra, i s’la cuntun dai libri ch’i án lit” en jōbia ai 10 de ma ales 20:00 te biblioteca a Al Plan.

Udiēza dla defensuria zivica Gabriele Morandell o de sòa colaboradessa Verena Crazzolarà, en vendres ai 11 de ma, dales 14:30 ales 16:00, te Ciasa de Comun a San Martin. Enformaziuns y prenotaziuns, ☎ 0471 946020.

I cristiani autentici non hanno paura di aprirsi agli altri, di condividere i loro spazi vitali trasformandoli in luoghi di fraternità.

Papa Francesco, 25.04.218

Dõt le bun a: Anna Konrater ved. Palfrader * 09.05.1923
 Paola Brandlechner, *San Martin* * 10.05.1926
 y a dūc chi co á santennom y compless i agn cōst’edema

Impressum: Ploania d’La Pli; redaziun Franz Rigo y Edith Willeit
Comunicaziuns cina le **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania
La Pli de Mareo
Santa Maria dal Bun Consei

Ploan: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ



VAL BADIA

www.unitepastorala.org

**Chel co m’ò bun, se ten a mia parora.
Alleluia.**

📖 **St.Ap 10, 25–26.34–35.44–48 | 1 Jan 4, 7–10 | Jan 15, 9–17**

Dal Vangelo do San Jan:

Te chel tomp á Gejú dit a sū discepu: ⁹Desche le Pere m’á orü bun, ensciö ves á ince iu orü bun. Romagnede te mio amur! ¹⁰Sc’i osserveis mi comandamnc, romagneise te mio amur, desco iu á osservé i comandamnc de mio Pere y romagni te so amur. ¹¹Cōsc ves á dit, por che mia ligreza sides te os y por che osta ligreza deventes plena. ¹²Cōsc é mio comandamnt: Orésse bun önn al ater desche iu ves á orü bun. ¹³Al n’é nia n maiú amur co sce önn dá ca sòa vita por sū amisc. ¹⁴Os seis mi amisc, sc’i fajeis ci ch’i ves dá sō. ¹⁵I ne ves diji nia plü fanc, deache le fant ne sa nia ci che le patrun fej. I ves á dit amisc, ciodich’i ves á comuniché dõt, ci ch’i á aldí dal Pere. ¹⁶Nia os ne m’eis chirí fora, mo iu ves á chirí fora y ves á destiné ch’i jeise y porteise früt y che osc früt romagni. Spo ves dará le Pere dõt do ci ch’i le perieis te mio ennom. ¹⁷Cōsc ves comani: Orésse bun önn al ater!

Oraziun dal de

Periun! Dio onipotent, láscesse vire de cōr la ligreza de cōsc tomp de Pasca y aprijé zonza zeder la ressureziun de nosc Signur, por che le mister de Pasca, ch’i festejun te chisc cincanta dis, formi y müdi nosta vita.

Do cōsc te periunse por nosc Signur Gejú Crist, to Fi, co é Dio y vir y regneia con te tl’unité dal Spirit Sant por dūc i secui dai secui. – Amen.

(Lezionar B)



📖 **Letōres dla gran festa d’Ascensiu dal Signur - Palsacrusc:**
St.Ap 1, 1–11 | Ef 1, 17–23 | Ef 4, 1–13 | Mc 16, 15–20

Edema liturgica dai 06.05. ai 13.05.2018

DOM 06.	Sesta domegna de Pasca de San Florian <i>Antonia, Gundula</i>
→ 08:00	gran messa por döta la ploania <i>oferta por i debojügn dla ploania</i>
→ 08:30	prozesciun a Curt con benedisciun dal rü d'La Pli, 2 vangeli, s.m. ad onú de San Florian do int. dai Stödafüs d'La Pli y d'Al Plan ♫ <i>Musiga d'Al Plan</i>
15:00	funziun dal Bato de Annalena Rigo
Lön 07.	<i>Notker, Gisela</i>
07:30	<i>s.m. a Al Plan</i>
Ded 08.	<i>beata Ulrika Nisch, Friedrich, Ulrich, Desiré</i>
07:30	s.m. ad intenziun y de rengraziamont de Anna Konrater ved. Palfrader, Col y s.m. por † Lena Piazza ved. Ties, Col sot Brach
Dem 09.	<i>Beatus, Tarejia</i>
18:00	<i>s.m. a Al Plan</i>
Jöb 10.	<i>dles Crusc Iob, Damian de Veuster, Gordian y Epimach</i>
→ 06:00	prozesciun fora Sares danló s.m. de rengraziamont dla fam. Herbert y Edith Frontull y s.m. por † Iuliana Maneschg Erlacher
Ven 11.	<i>dles Crusc Walter, Iachin, Gangolf</i>
→ 19:30	prozesciun fora Pliscia , danló zelebrazium dla Parora de Dio
Sab 12.	<i>dles Crusc Pancrazius, Nereus y Achilleus, Imelda</i>
→ 07:00	prozesciun a Curt , danló s.m. de rengraziamont de Paola Palfrader y por † Jep Palfrader, Mone
	s.m. d'aniversar por † Jep Pedevilla, La Munt
→ 09:00	röa adalerch les prozesciuns dla bassa Val Badia s.m. en rengraziamont de Santa Maria y dai Angeli Custodi
DOM 13.	GRAN FESTA DL'ASCENSIUN DAL SIGNUR PALSACRUSC - DE DLA OMA FESTA DLA PRÖMA SANTA COMEGNUN <i>Santa Maria da Fatima, Servaz</i>
→ 10:30	i acompagnun les 2 mitans y i 7 mituns dla Pröma Santa Comegnun da paiun te dlijia, gran messa en rengraziamont de Santa Maria, oma de Gejú y dai Angeli Custodi <i>♫ scolari</i>
08:30	<i>s.m. a Al Plan</i>
<i>ampola:</i>	por i mituns y les mitans dla Pröma Santa Comegnun
<i>ministronc:</i>	▶ da doman y domegna: Matteo Willeit y Fabian Winkler ▶ da sera y domegna: Stefan Taibon y Roman Frontull
<i>i recordun:</i>	Jep Pedevilla + 09.05.2009



N model d'amur (Jan 15, 9–17)

I ponsi do

Gejú é por nos en model d'amur. Al ne se dá nia ma en consei o en envit, mo en comandamont: „Oresse bun, desche iu s'á orü bun“.
Y nos san che l'amur de Gejú é zonza fin y total.
Dé ca la vita é la sora poscibilité ch'i án por ester encontonc y se realisé. L'amur n'é mai en avei, mo dagnora na scincunda.

I prei enciö

Al n'é nia saurí da capí ci che l'amur é, na parora ch'i aldiun gonot, mo co ven adorada t'en gröm de significac desvalís y val' iade ince incoerenc. Tö Gejú ti ás dé a cösta parora en significat plen, nia con leziuns o tres libri, mo con töa vita. Tö es l'amur. Chel co vir desco tö, vir l'amur. Chel co ponsa y fej desco tö y dá la vita por i atri, ne sará mai desplajü, malencontont o dla ria löna. Olache al é l'amur él ligreza y ma tö es söa fontana. Fá ch'i viri por te y desco te.



Oraziun a Santa Maria



Maria, tö fancela dal Signur, tö nes stas dlungia y nes acompagneies sön nosc tru. Tö nes deides, nes tegnes y nes condüjes. **Maria, nosta so tla fede, preia por nos!**
Deidesse da aldí desco tö **le message dal Signur por nos.**
Deidesse creie desco tö **al Dio co vir y co se lascia sentí.**
Deidesse confidé desco tö **con n cör co veiga.**
Deidesse orei bun desco tö **con respet y sinzirité.**
Deidesse dí de sciö desco tö **con gran fidonza.**
Deidesse aspeté desco tö **con cör desponibl, con oredles y edli daverc y con n spirit acort.**
Maria, Oma dal Signur, **deidesse creie desco tö.**



Stories de Adam y Eva cuntades ai mituns (8)



Eva, la bisca y le len ⁽¹⁾

Adam y Eva vir en pêsc con plantes y tiers. Ai s'ô bun. Chelbeldio ti sta dlungia desco en compagn.
Mo Eva encunta en de la bisca, en tier plü furbo co i atri tiers. Eva ne se tem nia dla bisca. Ara alda y capesc ci ch'ara dij. “Él vei”, damana la bisca mariziosa, “ch'i ne podeis nia mangé i früc dai lens dal urt?”
“Na”, respogn Eva, “cösc n'ál nia dit Chelbeldio. I podun mangé i früc de düc i lens dal urt. Ma i früc dal len t'amez ne podunse nia mangé.

Chelbeldio á dit: Chi früc ne podeise nia mangé, gnanca aziché! Zonza messeise morí.” La bisca baia de Chelbeldio desco de önn co ne ti enconsont nia la sapionza ala jont. Ara dij a Eva: “I ne moríis der dessogü nia. En chel de ch'i mangiareis chi früc se dauriará üsc edli. I gnareis desco Chelbeldio. Desco el conesciareise ci co é bun y ci co é mal.”